

直督李鴻章致總署據張蔭桓稱小呂宋設領事無專

約電

張使初十覆佳電派員小呂宋日外部已回文惟設領事無約古巴係專案能否援引容抵日時妥商速派兵輪轉難成議乞電署云七月十一日

諭劉秉璋游智開川省民教滋事着持平審結電

上諭總理衙門奏嚴議游智開所奏渝城打毀教堂一節暨羅摺紳稟報滋事情形請飭查覆各摺片覽奏均悉此番應試武童不遵地方官約束恃衆滋事輒因美國在鶴項頸等處置地建堂不協衆心逞強拆毀兼及各國教堂實屬肆意妄爲此風斷不可長前經諭令劉秉璋確

清季外交史料卷六十八 七

切查明迅速了結現在該督計已到任即着詳查嚴辦持平審結不得稍涉偏袒並將爲首滋事之人嚴拿懲辦以儆將來至宜昌鎮總兵羅摺紳探報各情與游智開所奏輕重懸殊所稱東川綦江團勇開仗傷人江北廳地方被教民燒毀舖屋四百餘家究竟有無其事着劉秉璋電奏七月十四日

上諭據游智開奏遵查民教被傷人數及現辦情形一摺覽奏均悉此案教首羅元義因渝民蓄怨往尋預糾痞匪亂毆致渝民被傷二十二入傷斃十一人該教民自有應得之咎惟察核起畔情節該處民人倚仗公憤首發難端致有互毆之事羅元義家亦傷八人且遠近聞風效尤銅梁大足兩縣亦有打教情事此等肇畔首犯若不嚴拿懲治不獨

無以服羅元義之心實與地方民風大有關繫着劉秉璋督領所屬務將王明堂石開陽二犯嚴密查拿與羅元義質證明確持平辦理毋得專歸咎于羅元義一人致縱舍白奸輕開外畔是爲至要七月二十四日

使美張蔭桓奏陳舊金山戕害華工案辦理情形片

張蔭桓片 再臣欽奉三月二十八日電旨洛士丙冷案尙未定議張蔭桓到後着鄭藻如暫留會同經理將從前各案議定善後章程再行回華欽此適鄭藻如甫登車就道臣即恭錄轉電欽遵辦理臣伏查美西各省市地廣人稀數十年來開礦墾荒修造鐵路漸成都市金山大埠尤爲蕃盛當日工作悉賴招致華工爲之力役華人傭力爲生愈來愈衆又值廣東會遭土匪客匪之亂趁洋餉口者新寧一縣至六萬餘人

清季外交史料卷六十八 八

此外各州縣多寡不一散處各埠合計總在十萬以上華工月得工錢寄以贍家即日用飲食衣履亦不甘困於西族於是華商販運貨物以供華工之用故華商舖戶亦自成市集華工習勤耐苦傭值且賤美之富商大賈多喜招用遂爲埃利士黨人所妒積怨生釁由來久矣華人在美既不肯入美籍週年食米且從粵中展轉寄來義塚枯骸間歲必檢運回粵美國深謀遠慮之輩知華人非視美爲安土但藉美以營生歲運回華之銀以千萬計中國享無形之利美國有潛耗之憂美所得者只稅關歲權數百萬而已然此稅款雖出之華商實取之華工而華工之錢則由美國所得者也故厭惡華人之來近且不特埃利士一黨至於賭博吸煙爲彼族所輕尤其淺焉者故外部曩有資遣之說鄭藻

訂俄歷四月會勘邊界即中歷三月下旬經臣等屢次電催該使總因興凱湖冰凍未消輪船不能下駛直至四月十五日即俄歷五月初五日該使巴喇諱伏始乘船行抵巖杆河臣等先遣繙譯官前往訂明於該國境內巖杆河會議勘界事宜臣等定於十九日起程前往該處會同俄使妥商一切再赴圖們江一帶按照圖約詳細查勘補立牌博俟會議妥協遂段勘明再行陳奏光緒十二年五月初四日奉旨知道了再臣依克唐阿因有畫押蓋印等事擬將副都統衙門日行公事遞送巖杆河行館辦理合併陳明謹奏

粵督張之洞致總署請飭粵關並總稅司緩抽半稅電
總稅司來電粵省進口米抽半稅總稅司擬自五月三十始等語查粵

清季外交史料卷六十七 三

關向不抽米稅本年三月以來兩粵米價同時昂貴西米不下洋米亦少民情頗不安貼東肇高廉西梧潯南等府皆多方招徠平糶尙慮未能補救今驟更章抽稅必致商權民駭恐生事端請速飭粵關並總稅司緩抽半稅以安地方五月十一日

旨着曾紀澤與英議存緬祀電

旨曾紀澤隊電已悉英緬構衅始則緬自取怨英頗有理英外部前與曾紀澤所議抵緬立王各節不特與中華字小之義昭合即環海各國亦無訾議現因外部換人忽然翻覆殊出意外中華所重在乎不滅人國貢與不貢無足重輕曾紀澤再為辯論詳述恃德恃力之道並責義始利終之非看其如何作答即行電聞五月十五日

旨着邵友濂來京與總署商洋藥辦法電

旨前派邵友濂前往香港商辦洋藥稅釐着會國荃飭令即日由海道來京赴總理衙門商議一切五月十三日

直督李鴻章致總署韓羣小自主斥華情形電

袁世凱電韓欲去金允植而斥華自主之議決近日此議頗熾羣小附和情形日非署督辦徐相兩欲索巨文島自榮隱附羣小敵金允植並迎合自主譏侮中國以希進幸故允植尙未回近晤英貝使日高平使均惜允植如此謬妄恐將難制乞早籌之五月十四日奉上諭李鴻章轉據袁世凱電稱韓欲去金允植而斥華自主之議決如此謬妄恐將難制等語朝鮮爲我屬邦若果斥華自主斷不能置之不問姑息養奸

清季外交史料卷六十七 四

然此時形迹未彰亦不能僅因罷斥一臣鹵莽從事遽與問罪之師此中措置機宜着李鴻章豫籌熟計或遴派精細之員以他事爲名前往該國詳晰查訪與袁世凱所報參觀背謬實據抑或另有別情密速電聞前曾明諭該國王去讒遠佞親仁善鄰李鴻章亦曾函致該國王勸其親近正人此次應否再由該督作函詳加開導破其邪謀潛消萌蘖着酌度辦理

粵督張之洞奏舊金山華民被害請催美國懲辦摺

兩廣總督張之洞奏爲美國舊金山華民被匪虐害粵省辦理情形及接據該埠商民公稟擬請敕催該國嚴懲速辦事竊臣於本年二月初四日准總理衙門電稱本日奉旨倫敦電報華民在美被害中國索賠

奉旨先勘原界再商改正修衡等再四籌思附界居民畏法虐政不願改隸者不下數萬修抵龍州紛紜呈訴若先勘原界彼必驚疑恐遮道擊輾因而滋事難一游勇近攻得保樂牧馬以東千百爲羣道路梗塞若乘間邀擊法將給我別生枝節難二原界俱在亂山之中十不存五懸崖疊嶂春瘴漸生加之霖雨人馬不前難三既勘原界彼必颺去新界必無可商豈惟驅驢文淵亦不可得關門失險戰守俱難害一文淵已失諒北無寸地屬我勢必脅我關內通商邊營盡落後着掛盜入門已棄越地復失粵地害二修衡等不敢畏難亦當慮害初十日與浦等會議彼即詳述廷旨先勘原界修衡等以廷旨不敢不遵約文亦當依據且以三難相詰浦即云先勘南關餘俟秋末顯係包藏禍心修衡等

清季外交史料卷六十三 一七

答以可行但勘界改正是一事舍此別無辦法並責浦以前議活動今更棄之殊非情理祇好暫罷浦語塞始轉圖定十三日再議請代表正月十二日

直督李鴻章致總署鄭使電美土人戕害華工電

駐美鄭使十一來電洛士丙冷滋鬧後舍路埠殺華工三人搜布曾文煤礦華工財物被傷害不少他埠逐華人阿路美煤礦搜拾衣服均拿匪未辦焚山謀用炸藥殺害未成餘埠謀逐華人已禁止此皆臘月以前與外部商辦之事漢已於六月十三四號信密陳頃舍路又催迫華人遷徙外部調兵斃洋黨一傷四總統又出囑示亦未全徙現美西境各埠危言愈熾華人失業者衆總統外部尙要好地方官不出力在美

催辦無濟且恐終受巨禍擬請總署援約照會駐京美使電請總統設法速衛各埠華人以救近災保久安再藻前信言彼陋習乞秘之又去秋舍路殺害五華人恐有別故擬緩提舍路即司地路云云乞酌辦正月十三日

直督李鴻章致總署倫敦電法派大員往越電

倫敦十一來電法新派大臣波路貝德已往東京其辦即派天津總領事狄隆云正月十四日

舊金山中華會董致總署土人殺害華人求請美廷保護電

現在美國舊金山土人與華工又復作亂該處百姓與商人皆受其害

清季外交史料卷六十三 一八

其產業被毀者約值五十萬元美國百姓被殺者約有四十人並無賠償因此美國西境一帶之百姓均被亂人驚走而該處中外商人皆大受其害且此次作亂於美國百姓之產業生命以及各項工人大有危險按此顯與一千八百八十年所立條約不符理應電報貴衙門務求即行轉請美國朝廷設法保護中外商人而安美國百姓幸甚盼甚舊金山華商會館董事等謹稟正月十四日

直督李鴻章致總署法使言北圻有粵兵輪上岸請撤

回電附旨

頃法繙譯來告戈使接外部及越帥電北圻廣安省先安州東南海濱九頭山內有廣東兵輪四帆船六弁兵無故登岸似將佔據實違公例

官製戰鼓舞倫倫雲層屬誌仍之夕...
年煙臺和約有准英人在大理府通商一條彼如獲果下境執通商之

日回至龍門法有兵船來探旋即駛去囑電鄧李與法議正界限等語

查此地狹小荒瘠去東興近去海寧再遠海寧府歸我則此山應為華屬荒莽藏盜華洋均害若屬我則我能捕盜中外商民均利即不然或與法商作為兩不屬之島若有匪徒彼此知會均可往捕均不駐兵亦當易行除電鄧李酌議外謹先電聞請代奏 正月十九日

粵督張之洞致總署兵輪在欽州九頭山捕盜並無據

地電

九頭山捕盜事頃電奏甫發適接北洋電因閩線斷頃始到旋奉十七日電旨查此事于去臘二十七日奏報在案洋盜劫掠欽州一帶水陸甚熾供係九頭山匪故由洋面追捕至該山登岸獲盜即還其地在華越之間向為法人蹤跡所不到當時到岸擒匪無從知照法人此因追

清季外交史料卷六十三 二五

盜主彼與爭界迥不相涉更無駐兵佔據之事與近日閩遣船赴香港捕海盜事相類而荒山無法人議界又未定與香港又有不同斷無不奉明旨而往據地之理且窮荒小島據亦無用洞雖愚懸不至於此此乃法人誤會以後仍應照前奏各節與法議明除電北洋鄧李知照法使外謹覆陳請代奏請李中堂告戈使 正月十九日

閩督楊昌濬致總署香港盜犯亟須按約索還電

港盜案遵諭將張阿知被控搶劫十二起及舊犯供指各案稟控均錄送粵督作證據轉達連接粵電事尚未定閩巡船暫留質證已續獲張野等語當查張野案再送粵其墊給律師等費用由閩籌還此起盜犯罪惡貫盈必按約索還於中外商船均有裨益祈力與公使言之 正月

十九日

直督李鴻章致總署鄭藻如電洛士內冷案美交議院

議賠電

鄭星使來電洛士內冷案十六接美覆文有交議院議賠語俟議若不公再駁外部又有資遣華人意藻恐名為資遣實圖驅逐且將來華人遇害更藉口以推卸保護之責流弊甚多故未允之乞達總署 正月二十

粵督張之洞致樞垣請救電鄭使商美廷保護華工電

香港華商電稟接金山中華會館電美國西人攻擊華人焚毀財物五十餘萬人亦死傷不少華人實不能安生求稟知粵督並知照愛育堂等語愛育善堂係粵紳商公所必動眾憤恐生事端頃英美各領事來

清季外交史料卷六十三 二六

函亦甚恐懼現已飛諭愛育善堂及香港東華醫院告以朝廷已極力理論保護勿得紛傳並即託其電本國禁約弭患及籌備彈壓竊思息事惟有探源懇勸總署速電鄭使商美總統竭力保護懲儆免中國洋人不安若金山電事有轉機羣怒自息請代奏 正月二十日

直督李鴻章致總署與法使議通商減稅電

午後戈使來議通商章程至照稅則減五分之一謂其外部訓條必不准行鴻告以廷議已定無可商改相持半日而散似將從此罷議彼意欲照俄約減三分之一俄遠越近礙難援例請代奏 正月二十二日

總署致李鴻章九頭山捕盜案希告法使勿誤會電

粵督電云九頭山捕盜一案已電北洋希告知法使勿誤會 正月二十二日

亦已批准訂於七月十二日互換屆期臣親齋條約率領二等參贊黃遵憲英文參贊馬格理等赴英外部衙門外部尚書侯爵沙力斯伯里往巴黎避暑未回侍郎克魯代理其事互相校閱繕立憑單一爲沙力斯伯里畫押一經臣畫押遂將條約彼此互換臣查此次訂約由立約大臣繕錄四分彼此各執二份現在各以一份互換一份留存臣謹將鈐用御寶之留存一份並換到英國君主蓋印畫押之一份親齋回署仍用木箱封固交駐英稅務司金登幹洋員赴華之便齋送赫德轉呈總理衙門驗收謹奏十六年十月十七日奉硃批該衙門知道

使美崔國因奏美國廢除舊金山驅逐華人新例片

崔國因片 再金山新例拘執華人勒令遷徙所限地界一事謹詳前

清季外交史料卷八十三 二九

奏現據金山總領事稟報此案於七月十一日經審司批令廢例銷案毋庸遷徙矣臣自日國聞報言旋以來今始意念釋然緣美國人心狡獪於張蔭桓在祕魯時廢約行例於新舊使臣交代時設例索華人假道質銀臣在日國復遇此事幸經代辦使事參贊於臣回美之前疊次照會美外部由律政部議覆甚速金山總領事遵照指示事前事後未敢稍懈故於審司集訊時議例律師延不到案別有營謀繼以華工居處不潔釀疾爲言事後填砌議例之初並無此語伎倆已無可施現據申送該審司判詞極爲公允惟其間有此新例並未指出華民不好處一語適足引嫉忌華工者別生攻訐之端故雖據報廢例之日歡聲雷動旁觀稱快仍飭加意自防毋再予人口實俾得久安生理以期仰慰

宸慮謹奏光緒十六年十月十七日奉硃批該衙門知道

駐藏大臣升奏奏請預防俄人勾結藏番私相餽贈摺

駐藏大臣升奏奏爲俄人勾結藏番私相餽贈似宜先事預防事竊奴才前在印洋即聞遊歷法人在達木地方駐紮兩月有餘旋即改道由三十九族取道觀覺逕赴巴塘並未呈驗執照又聞藏番有餽贈男女穿帶衣物首飾等事奴才即深疑該藏番等何以忽有此舉曾經在印在邊附片陳明擬回藏後尙須詳查奏報在案迨奴才巡閱後藏即聞遊歷之人贈送番官禮物不少旋藏以後即飭委員詳細訪查復查遊歷法人之內亦有俄人屢向藏番云我等此來非欲不利於西藏實爲爾等保護疆土而來緣我國與英世仇我們久思攻取印度未得其便

清季外交史料卷八十三 三〇

今印度無故欺負爾國我等謂之甚爲不平是以不辭數萬里遠來實欲替唐古忒出力復仇不料反被阻攔實屬辜負我國好意聞藏番答以藏印之案現蒙大皇帝特派駐藏大臣爲我等解和現已無事該遊歷人云英國人最無信義不久定有反覆我等去後你們儘可與之決裂我留信在此如以後你們再行打仗即將此信送至阿期同慶地方我們即有兵來相助你們缺乏軍火我必能接濟於是派去番官頗覺相信專人回藏請示即不知如何回覆隨即送去男婦穿戴各物不少該遊歷之人又送藏番商上並派去番官洋鎗鐘錶像片各物又留有信二件及洋人所信紙信封等物云如若藏印有事即用此信紙信封寫信與我國即當發兵相助等語於是藏番及遊歷之人深相歡悅

香港情形他省容未盡悉去年福建藝新輪船不先行文知照逕從香港緝拿巨盜張阿知等幾至枝節橫生若設領事則覺察有權機要易協何至吞舟巨鯨勢等驅淵是爲逸犯計又不可緩也一日巡緝香港水界之內不予人以緝捕之權近因私梟鹽匪出沒洋面漸至縱橫一切藥貨確確走漏釐稅經臣行文廣州英領事約會港官協力查緝港官雖允照辦終恐藉詞枝梧且洋藥稅釐並繳一事現既議有端緒他日終須開辦洋藥私販甚多耳目稽查不妨廣置若設領事就近會商港官兼理巡緝匪事務應無轉折扞格之虞是爲巡緝計又不可緩也一日防海省港既相鄰接安危彼此共之港之煤礮米麵十日不來則省城困省之牛猪薪蔬一日不往則港民困港亂則省之商路不通

清季外交史料卷六十六 一一

省亂則港之匪徒四起當法事方殷之時省固且夕防戍港之籌備亦殊倉皇海警尋常何時蔑有香港有事我國生肘腋之憂我若有事香港亦無安枕之理設領事則聲息更通聯絡尤易固粵之利亦港之福是爲防海之計又不可緩也夫香港片壤本係中朝寬仁假與洋人棲息俾資樵采若不設領事則是諸國百貨入華之利益英國得而專之華商華民之在彼者中國轉不得過而問之英收其利我承其弊英資其益我受其損諸邦各有地主獨無揆諸和好公平之理種種難通臣愚以爲此事既經曾紀澤商之英國外部並無卻拒之詞只作緩延之計如果力持促辦彼自有何說之辭如議成開辦該領事除照章屬於出使大臣外應就近兼歸粵省統屬粵省督臣與駐英使臣商明會委

以便隨事斟酌至於領事經費一節擬即由粵省奏明籌撥相應請旨飭下總理衙門照會駐京英使一面電咨出使英國大臣催令該國外部藩部速將香港設立中國領事一節照約定議剋期開辦以篤邦交實於粵省商務盜案釐稅海防各項交涉事件大有裨益謹奏光緒十二年三月二十六日奉旨該衙門知道

使英劉瑞芬致總署報到英日期並英催洋藥條約電

勞於二十五日到英劄侯云洋藥條約英外部屢來催現已派員往香港議查藥事即是開辦不能不交換應否送交請示遵二月二十七日

粵督張之洞致總署美使來粵晤談洛士丙冷案允電

外部電附旨

清季外交史料卷六十六 一一

近又接金山華商民廣聯興等一百六十七家公稟情詞慘切懇洞轉達昨鄭使電洛士丙冷等案可賠足餘未定議華人暫安並未來函病漸愈此舉關繫甚重此次力辦得法以後大局有益仰懇聖恩可否暫留鄭藻如在美會同張蔭桓料理從前各案議定善後章程有原議之人彼外部難以翻覆如蒙俯允祈電敕兩使臣洞晤美使田貝極力優禮款接語以彼任護華工洞任戡粵民田甚悅似有慚意託其再電外部歷述粵人優待美商催令緝賠保護已允渠來意爲察看各省華民仇美否現已赴汕請代奏三月二十八日奉旨電鄭藻如洛士丙冷案尙未議結張蔭桓到後着鄭藻如會同經理將從前各案議定章程再行回華

如未允蓋名為資遣實類驅逐自洛士丙冷鬧事之後美雖派兵保護或亦迫於公義不得已之所為近已漸次遣撤洛士丙冷之案議院多議賠償而外部於辦兇一事尙多推諉此外未結者烏盧公司槐花園妃力煤礦阿路美煤礦澳路非腦金坑的欽巴華店等五案鄭潔如已照會外部臣接任後自應促其查理此等案情層見疊出竊慮華人在美終不為其所容若舉此數十萬華人被驅回籍亦恐為地方之累只可暫止華工之來或潛消其忌嫉之見臣在粵時業與張之洞籌商及此並告香港紳商廣為勸導此一兩月間往者漸稀然該國有限制華工章程增修無已華商窒滯此時機局要在保華人之生計雪積案之滯冤通華商之貿遷固邦交之睦誼臣驟膺鉅錫揚沐淵容與鄭藻

清季外交史料卷六十八 九

如議定善後章程再行陳奏所有美國現在交涉情形臣謹附片縷陳謹奏光緒十二年七月十四日奉旨知道了

總署致許景澄澳門洋藥稅事可援西例辯駁電

和外部函即可援西例辯駁矣 七月十四日

直督李鴻章致總署法領事來商滇越勘界電

前四月十三日法領事林椿來言接越帥巴貝密信如雲速定通商設埠處所則邊界讓改數十里尙可酌商鴻即密電周岑相機辦理頃周欽使六月二十八日來電連日會晤法使狄隆等商定先勘保勝上游一二段並公同酌擬全局辦結之法容即查明現在伏暑炎天瘴癘正盛山高路險匪黨橫行法使屢經面陳實有懼心惟四月間所奉電示

若能早定通商設埠處所邊界可酌改數十里一節狹大臣似有其意向未言明細繹改正在勘界之後通商在改正之後如將改正提前辦理使中國有益自可將通商及早議定使法國有益望設法開導令就範圍並懇賜覆云云查粵邊勘界齟齬尙多一時難定法意注重雲邊設埠通商故願讓改邊界若及早辦結一路粵邊稍宕尙無礙大局乞代奏請旨飭遵連日水阻今甫通電七月十四日

總署奏日本請修約章擬與酌議摺

總理各國事務慶親王奕劻等奏為日本請修約章擬由臣衙門先與酌議事竊溯查同治十年日本遣使籲請通商當蒙欽派直轄總督李鴻章為全權大臣與該國使臣伊達崇城議定修好條規及通商章程

清季外交史料卷六十八 一〇

並載明自互換之年起至十年為限彼此若願重修則先行知照會商酌改等語於同治十年七月畫押十二年四月奉御筆批准截至光緒九年四月已屆十年限滿該國外務卿先期照會出使大臣黎庶昌請議修改是年春間該國使臣榎本武揚亦來臣署議及臣衙門以球案未結為詞拒而不允旋值朝鮮有事彼亦不復提及本年四五月間該國使臣鹽田三郎屢至臣署重申前請云伊國君主已派伊為全權主議約事臣等初未允許繼因中日原約既有十年重修之語且據出使大臣徐承祖函稱日廷正與西洋各國一律議改舊約中國亦未便始終拒之惟該國使臣欲請欽派全權大臣與之商議臣等查從前美德等國續修條約皆由臣衙門先與商定然後請派全權大臣畫押蓋印

此次事同一律擬請由臣衙門先與該使商酌該國欲請修改之意無非圖佔便宜臣等必詳細推測權衡利弊如有與中國不便之處堅持不允斷不稍涉遷就其有關涉商情稅務爲臣衙門所未能深悉者並隨時函商南北洋大臣以期周妥一俟議有規模再行請旨定奪謹奏光緒十二年七月十四日奉旨依議

直督李鴻章致總署徐承祖報金玉均被押小笠原電
徐承祖十二亥電金逆玉均前具限出境因乏資逾限經承祖商催井上當拘押業已派捕押往太平洋中無人島一名小笠原島管押較出境爲安求轉電總署云七月十五日

總署致李鴻章請轉周德潤改界設埠宜互相抵制電

清季外交史料卷六十八 一一一

願電已進呈前勘粵界因先議改正致有齟齬豈可再蹈覆轍周電所云改正在勘界之後通商在改正之後按約辦理必應如此且林椿所述、僭並未明言偷自我先發必致貽以口實况先議設埠恐讓地亦成畫餅此後伏暑向闌仍宜速約法使會同勘界待彼將先辦通商情願讓地之說自行吐露而後以改界設埠與之互相抵制則我守定約欲通融辦法易於就緒至周電稱先勘保勝上游一二段果否勘畢其公酌全局辦結之法要領何在讓地數十里究指何處設埠宜在何地並分別詢籌覆奏遵旨電達並轉電周大臣七月十五日

直督李鴻章致總署吳大澂報中俄界務勘畢回環春

電

吳清卿初九亥電激自三岔口回環春過海參崴丁提督帶六艦適至丁與俄帥聯絡俄海里尙書巡閱到崴亦往拜丁初七送激至摩闊崴次日開赴長崎進臨修理留超武揚威在海參崴等候八月初激可回津云七月十五日

使美張蔭桓致總署洛款久無消息請屬田使確詢電

洛款外部堅許散議會前辦結頃延擱久無消息乞屬田使確詢之勿任但口惠七月十五日

蕪湖道致總署華人求領事包庇運煙電

蕪湖著名走私煙土之華人租屋竟假洋行名福已搜贖查封現華人營求領事出頭包庇先電聞祈回堂七月十七日

清季外交史料卷六十八 一一二

懿旨飭李鴻章整軍嚴備朝鮮事變電

懿旨李鴻章信函各件均悉此時情事未定先以整軍嚴備爲主李鴻章務將調兵事宜趕緊預籌爲朝發夕至之計先事宜審慎不可大意臨事宜決斷不可游移一面酌調兵輪赴朝鮮海面不時操巡以聯聲勢並電催陳允頤詢問之事有無把握劉瑞芬詰問外部等事情形一有確覆電聞請旨辦理七月十八日

總署致蕪湖道查封私運煙土之洋行須見機妥辦電

查封假洋行一事洋人必出爲包庇務須見機妥辦勿致被其訛索五年恭道任內舊案可鑒遵堂諭電達七月十九日

護川督游智開等奏藏番阻英人入藏派喇嘛勸導摺

通即分門學習武備製造算學律例等事法國律例環球各國每按爲
依據總理衙門亦專譯刊本於交涉各事較美律爲有用但視學生資
稟相近者誘掖之或當各有成就據報於十一月十五日開館一切用
度極力撙節就地爲教所省實多暫由古巴馬丹薩兩領事官及該埠
商董捐辦每屆獎勵時由臣酌量給獎隨案具報籌辦伊始毋須特請
專款美日祕各埠情形勢難齊一將來金山祕魯等處學堂次第開設
臣仍當隨時督飭參贊領事各官認真經理不存因陋就簡之心期收
拔十得五之效謹將現辦章程繕單恭呈御覽除分咨外理合恭摺具
陳謹奏光緒十三年二月初二日奉硃批着照所請該衙門知道

總署奏出使人員薪俸酌量裁減片

奕劻等片 再臣衙門光緒三年十一月初一日片奏東西洋出使一
切經費各按其每年應用款項若干再行酌中定額奏明辦理奉旨允
准通行在案查出使各國大臣及參贊繙譯隨員等官支給薪水分別
等差每年由出使大臣冊報臣衙門覈銷歷經辦理亦在案現在經費
支絀出使各員俸薪尙可酌量裁減臣等公同商酌出使東西洋各國
大臣俸薪擬減十成之二其西洋參贊領事繙譯隨員等均照現支銀
數各減十成之二東洋參贊等官本已減數支領應照現支銀數再減
十分之一此外一切公用核實撙節作正開銷仍照章冊報臣衙門核
辦至出使大臣所帶員弁人等有所裁減之處應由各該大臣自行酌
定以節冗費如蒙俞允卽由臣衙門行知各出使大臣遵照辦理謹奏

清季外交史料卷七十

一一一

光緒十三年二月初二日奉硃批依議

總署致粵督及粵關監督詢港澳各廠貨釐數目電

香港四廠澳門兩廠百貨釐金每歲各實收若干希速覆二月初二日

使美張蔭桓致總署洛案賠款收足轉發並訂善後約

欵電二件

洛案賠款十四萬七千零昨美總統批准照辦二月初四日

洛欵收足十四萬七千七百四十八元轉發金山按傷給領善後約款

草擬申明自禁責以保護清積案交逃犯減米稅俟彼欵亦擬就始能

互訂寄署核定赴丹船期准四月朔請代奏二月初八日

總署致鄧承修法使盼界務速了請先勘無爭辨處電

清季外交史料卷七十

一一一

恭使來署言急盼界務速了以免邊界肇衅請將白龍尾及江平黃竹
暫從緩議兩國勘界大臣先自欵而至桂省全界彼此不爭論之處一
律作速勘畫或有爭論不決者隨後由伊與署和平商酌伊已電請本
國給予全權並知照狄隆等語意在藉此轉圖當與言明白龍尾雖從
緩議而中國認爲我界決無游移至江黃未定之界可歸入後議不決
處所一併在京商定頃得諭旨飭署電達希晤詢狄使如接恭電相符
即會同照辦仍隨時電覆以慰宸廑二月初五日

勘界大臣鄧承修致總署與狄使勘欵西界意稍轉電

近與狄使會議以署所得該國海部圖與府志合應早退兵以安百姓
狄意稍轉云我並不取謂中國官書不足憑但我亦有所據若說定是